

Naapsérèkem

Unt šiuo svieta užgèmè žmuogos,
përma sīki tāj garsē suréka,
ka èš karta anon atpažèna,
vèsè, kas tèktā kumet sutéka.

Liekè dèinas i metā mainies,
žmuogos auga i dèdlē stipriejè,
sava laimès žemeliè èiškuojè
tāj, kāj tèktā muokiejè.

Daug dalīku pruo šali pralēda,
juk kou toliau, tuo labiau skubiejè,
artimīsims pu žuodi geriesni
pasakītè nuoriejè, bat naspiejè.

Mèslējè – tumet, kāj laimè suradès
uns jau vèsus galies apkabintè,
pailsies gerā sava truobalie,
su anou i svetē suvadintè.

Bat kètuonèškā žmuogou išējè –
vèsè pātis pas anou rinkuos,
vuo pats nabgaliejè ni vēina
iš anūn pavadintè.

Ton žemelè ons jau paléka
ont stala padiejès šaukšta.
Tas gīvenèms tāj grētā prabiega –
ni patruovas naspiejè atauštè.